

Этносаралық және конфессияаралық келісімнің қазақстандық моделін жетілдірудің 2006-2008 жылдарға арналған бағдарламасын бекіту туралы

Қазақстан Республикасы Үкіметінің 2006 жылғы 28 маусымдағы N 593 Қаулысы

Қазақстан Республикасы Президентінің 2006 жылғы 30 наурыздағы N 80 Жарлығымен бекітілген Қазақстан Республикасы Президентінің 2006 жылғы 1 наурыздағы "Қазақстанның әлемдегі бәсекеге барынша қабілетті елу елдің қатарына кіру стратегиясы" атты Қазақстан халқына Жолдауын іске асыру жөніндегі іс-шаралардың жалпыұлттық жоспарының 62.1-тармағын орындау үшін Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Этносаралық және конфессияаралық келісімнің қазақстандық моделін жетілдірудің 2006 - 2008 жылдарға арналған бағдарламасы (бұдан әрі - Бағдарлама) бекітілсін.

2. Орталық және жергілікті атқарушы органдар Бағдарламада көзделген іс-шаралардың уақтылы орындалуын қамтамасыз етсін және жарты жылдықтың қорытындылары бойынша 10 қаңтар мен 10 шілдеден кешіктірмей Қазақстан Республикасы Мәдениет және ақпарат министрлігіне олардың іске асырылу барысы туралы ақпарат ұсынсын.

3. Қазақстан Республикасы Мәдениет және ақпарат министрлігі жарты жылдықтың қорытындылары бойынша 20 қаңтар мен 20 шілдеден кешіктірмей Қазақстан Республикасының Үкіметін Бағдарламаның іске асырылу барысы туралы хабардар етсін.

4. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

Қазақстан Республикасы
Үкіметінің
2006 жылғы 28 маусымдағы
N 593 қаулысымен

бекітілген

Ескерту. бүкіл мәтін бойынша "Қазақстан халықтары Ассамблеясының", "Қазақстан халықтарының Ассамблеясы" деген сөздер "Қазақстан халқы Ассамблеясының", "Қазақстан халқы Ассамблеясы" деген сөздермен ауыстырылды - Қазақстан Республикасы Үкіметінің 2008.03.19 N 267 Қаулысымен.

Этносаралық және конфессияаралық келісімнің қазақстандық моделін жетілдірудің 2006-2008 жылдарға арналған бағдарламасы Мазмұны:

1. Этносаралық және конфессияаралық келісімнің қазақстандық моделін жетілдірудің 2006-2008 жылдарға арналған бағдарламасының паспорты
2. К і р і с п е
3. Проблеманың қазіргі жай-күйін талдау
4. Бағдарламаның мақсаты мен міндеттері
5. Бағдарламаның негізгі бағыттары мен іске асыру тетігі
6. Қажетті ресурстар мен оларды қаржыландыру көздері
7. Бағдарламаны іске асырудан күтілетін нәтиже
8. Бағдарламаны іске асыру жөніндегі іс-шаралар жоспары
9. Ескертпелер

1. Бағдарламаның паспорты

Атауы	Этносаралық және конфессияаралық келісімнің қазақстандық моделін жетілдірудің 2006-2008 жылдарға арналған бағдарламасы
Әзірлеу үшін негіздеме	Қазақстан Республикасы Президентінің 2006 жылғы 30 наурыздағы N 80 Жарлығымен бекітілген Қазақстан Республикасы Президентінің 2006 жылғы 1 наурыздағы "Қазақстанның әлемдегі бәсекеге барынша қабілетті елу елдің қатарына кіру стратегиясы" атты Қазақстан халқына Жолдауын іске асыру жөніндегі іс-шаралардың жалпыұлттық жоспарының 62.1-тармағын және Қазақстан Республикасының Мемлекеттік хатшысы О.Әбдікәрімов бекіткен 2005 жылғы 1 ақпандағы N 35-11.4 Қазақстан халқы Ассамблеясының 10 жылдығы бойынша ұйымдастыру-насихаттау жұмыстары жоспарының 1.2-тармағын іске асыру мақсатында
Негізгі әзірлеуші	Қазақстан Республикасы Мәдениет және ақпарат министрлігі
Мақсаты	Этносаралық және конфессияаралық келісімнің қазақстандық моделін жетілдіру
Міндеттері	Республикада этносаралық және конфессияаралық келісімнің қазақстандық моделін жетілдіруді қамтамасыз ететін іс-шаралар кешенін әзірлеу және

іске асыру ;
елдегі әлеуметтік-саяси ахуалдың, сондай-ақ
конфессияаралық және этносаралық қатынастар
саласындағы ахуалдың және қоғамдағы әлеуметтік-
психологиялық шиеленіс деңгейінің мониторингі,
диагностикасы мен болжамы;
ішкі саяси тұрақтылықты, этносаралық және
конфессияаралық келісімді нығайту

Іске асыру мерзімі 2006-2008 жылдар

Қаржыландыру
көздері

Бағдарламаны іске асыру:
барлығы 969,6 млн. теңге, оның ішінде: 2006 жылы
- 316 млн. теңге, 2007 жылы 312,9 млн. теңге,
2008 жылы - 340,7 млн. теңге республикалық
бюджеттің ;
барлығы 1354,8 млн. теңге, оның ішінде: 2006
жылы - 138 млн. теңге, 2007 жылы - 552,6 млн.
теңге, 2008 жылы - 664,2 млн. теңге жергілікті
бюджеттің қаражатынан қаржыландыруды талап етеді.
2007-2008 жылдарға арналған шығыстар көлемі
тиісті қаржы жылына арналған "Республикалық
бюджет туралы" Қазақстан Республикасының Заңына
сәйкес айқындалады (нақтыланады).

Күтілетін нәтиже

Бағдарламаны іске асыру нәтижесінде:
республикадағы этносаралық және конфессияаралық
қатынастарды үйлестіру үшін жағдай жасалады;
этносаралық және конфессияаралық төзімділіктің,
этномәдени әралуандылықты көпэтникалы және
көпконфессиялы қазақстандық қоғамдағы азаматтық
келісімнің әлеуметтік-психологиялық негізі
ретінде құрметтеудің, қабылдаудың және түсінудің
қағидаттары мен нормалары бекітіледі;
республиканың діни бірлестіктері арасындағы
өзара түсіністік пен төзімділік нығайтылады;
азаматтық татулық пен қоғамдық келісімді
қамтамасыз ету мақсатында рухани құндылықтар мен
диалог мәдениетін ілгерілету ісінде мемлекеттік
органдардың, ұлттық-мәдени, діни және үкіметтік
емес бірлестіктердің ынтымақтастығы күшейтіледі;
этномәдени білім беру жүйесі қалыптастырылады;

Қазақстан халқы Ассамблеясының қоғамдық рөлін нығайту жөнінде жағдай жасалады;
2006 - 2008 жылдары:
қоғамдағы этносаралық және конфессияаралық ахуал мәселелері бойынша 12 қолданбалы ғылыми және 6 республикалық зерттеу ұйымдастырылады және өткізіледі;
республика аумағында жұмыс істейтін ұлттық-мәдени, діни бірлестіктер және шетелдік миссионерлер туралы ақпараттық дерекқор толықтырылады;
жастардың қатысуымен 9 халықаралық конференция, 30 республикалық және өңірлік конференция, 74 семинар, 46 конкурс, 93 дөңгелек үстел, 41 тренинг, 59 республикалық этнос күндері, Қазақстан халықтары достығының 3 фестивалі ұйымдастырылады және өткізіледі;
республикалық және өңірлік бұқаралық ақпарат құралдарында Қазақстандағы ұлтаралық және конфессияаралық келісімді насихаттайтын 3000-нан астам материал жарияланады.

Ескерту. 1-бөлімге өзгерту енгізілді - Қазақстан Республикасы Үкіметінің 2008.03.19 N 267 Қаулысымен.

2. Кіріспе

Этносаралық және конфессияаралық келісімнің қазақстандық моделін жетілдіру бағдарламасы Қазақстан Республикасы Президентінің 2006 жылғы 30 наурыздағы N 80 Жарлығымен бекітілген Қазақстан Республикасы Президентінің 2006 жылғы 1 наурыздағы "Қазақстанның әлемдегі бәсекеге барынша қабілетті елу елдің қатарына кіру стратегиясы" атты Қазақстан халқына Жолдауын іске асыру жөніндегі іс-шаралардың жалпыұлттық жоспарының 62.1-тармағын және Қазақстан Республикасының Мемлекеттік хатшысы О.Әбдікәрімов бекіткен 2005 жылғы 1 ақпандағы N 35-11.4 Қазақстан халқы Ассамблеясының 10 жылдығы бойынша ұйымдастыру-насихаттау жұмыстары жоспарының 1.2-тармағын іске асыру мақсатында әрі этносаралық және конфессияаралық қатынастарды одан әрі үйлестіру, төзімді сана мен мінез-құлық нормаларын қалыптастыру және әлеуметтік тәжірибеге енгізу жөнінде кешенді және мақсатты саясатты әзірлеу мен жүргізу қажеттігіне байланысты әзірленді. Қазақстанның 2030 жылға дейінгі даму стратегиясында

республикада қоғамның ішінде тікелей қайшылықтарға жол берілмейтіндігі белгіленген: "Біздің стратегиялық міндетіміз - халықтың көптеген топтарының бірлігі, жекешіл және қоғамдық негіздерді салиқалы үйлестіру, мұның өзі қоғамымыздың жарасымды сатылы дәстүрлерін толықтыра түседі."

Халық құрамының көпэтностығы әрі көпконфессиялығы айқын көрінетін ел ретінде Қазақстан үшін әлеуметтік тұрақтылыққа қол жеткізу және оны нығайту, жеке адамның , жекелеген әлеуметтік топтар мен қоғамның мүдделерін үйлестіру этникалық қауымдастықтардың өзара қатынасының оңтайлы нысандарын іздестіру, этносаралық және конфессияаралық келісімді нығайту, этносаралық және конфессияаралық өзара қатынастар мәдениетін арттыру, экстремизм мен ксенофобияның алдын алу міндетімен т ы ғ ы з б а й л а н ы с т ы .

Елімізде 130 ұлттың, ұлыстар мен этникалық топтардың өкілдері өмір сүруде. Мұндай әралуандылық рухани-адамгершілік құндылықтардың қайнар көзі бола отырып , белгілі бір проблемаларды туындатады. Үйлесімді этносаралық өзара қатынастар мен конфессияаралық келісімді дамыту мемлекеттік және қоғамдық болжамдау мен реттеудің кешенді ұстанымы мен тиімді тетіктерін талап етеді.

Қазақстан Республикасы өзін ар-ождан бостандығы мен діни наным бостандығы қағидаттары, әртүрлі конфессияға жататын азаматтардың өз діни бірлестіктерін құруға тең құқықтары, мемлекеттің діни бірлестіктердің ішкі істеріне араласпау қағидаты және халықаралық қоғамдастықта қабылданған діннің негізін қалаушы басқа да нормалары заң жүзінде бекітілген демократиялық, зайырлық, құқықтық және әлеуметтік мемлекет ретінде орнықтыруда.

Қазіргі кезеңде Қазақстанның дамуына тән ерекшеліктердің бірі қоғам өміріндегі дін рөлінің толассыз артуы болып табылады. Оның беделі мен мәртебесі артып, әлеуметтік функциялары кеңейіп келеді, дінге сенушілер мен діни бірлестіктердің саны ө с е т ү с у д е .

Республикада құрамына Қазақстан үшін дәстүрлі діни ілімдердің (ислам, христиан) барлық діни бірлестіктері және дәстүрлі емес, бұрын Қазақстанда болмаған діни қозғалыстардың жаңа ұйымдары енген көпконфессиялы кеңістік қалыптасты. Сондай-ақ діни экстремизмнің Қазақстанға енуіне ықпал ететін дінисымақ құралымдар п а й д а б о л д ы .

Осындай жағдайлар аясында барлық ұлттар мен ұлыстардың өкілдері үшін экономикалық, әлеуметтік, мәдени, діни дамудың бірдей мүмкіндіктерді нақты қамтамасыз етілген, ұлтаралық келісім, Қазақстан халқының біртұтастығы, ізгілік, ұлт құқықтары мен адам құқықтарын үйлесімді ұштастыру қағидаттары іс жүзінде көрініс тапқан көпұлтты, сан алуан мәдениетті және көпконфессиялы қоғам құру ісіндегі Қазақстанның жетістіктері айқын көрінеді.

Көпэтникалы және сан алуан мәдениетті қоғамдастық құрудың қазақстандық тәжірибесі көбінесе бірегей болып табылады. Елдің одан әрі табысты дамуының басты

шарты ішкі саяси тұрақтылықты, азаматтық татулық пен ұлтаралық келісімді қамтамасыз ету болып қала береді.

Елдегі ұлттық және діни қатынастарды одан әрі үйлестіру, төзімді сананы қалыптастыру және қазақстандық қоғамда экстремизмнің алдын алу жөніндегі іс-шаралардың тиімді жүйесін әзірлеу және іске асыру, шешімі ұлттық-мәдени, діни және үкіметтік емес бірлестіктердің кеңінен қолдауына сүйенген мемлекеттік және жергілікті органдардың үйлестірілген күш-жігерін талап ететін кешенді міндет болып табылады.

Осы Бағдарламада этносаралық және конфессияаралық келісімнің қазақстандық моделін жетілдірудің, елдегі этносаралық ахуалды үйлестірудің, төзімді сана мен мінез-құлық қалыптастырудың және әлеуметтік практикаға енгізудің, ұлттық және діни экстремизмнің алдын алудың мақсаттары мен міндеттері айқындалды, сондай-ақ оларды іске асырудың негізгі бағыттары мен тетіктері белгіленді, қаржыландыру көздері көрсетілді.

3. Проблеманың қазіргі жай-күйін талдау

Мемлекеттік тәуелсіздік пен егемендікке қол жеткізген сәттен бастап қазақстан демократиялық мемлекет құруға, әлеуметтік әріптестік пен азаматтық келісімді, саяси және ұлтаралық тұрақтылықты қамтамасыз етуге нық бағыт алды.

Қазіргі уақытта Қазақстан Республикасындағы мемлекеттік ұлттық саясаттың негізгі қағидаттары:

адам мен азаматтың нәсіліне, ұлтына, тіліне, дінге көзқарасына, қай әлеуметтік топтарға және қоғамдық бірлестіктерге жататынына қарамастан, олардың құқықтары мен бостандықтарының теңдігі;

әлеуметтік, нәсілдік, ұлттық, тілдік немесе діни тәуелділік белгілері бойынша азаматтардың құқықтарын шектеудің кез келген нысанына тыйым салу;

Қазақстанның тарихи қалыптасқан біртұтастығын сақтау;

Қазақстан Республикасының Конституциясына, халықаралық құқықтың жалпы танылған қағидаттары мен нормаларына Қазақстан Республикасының халықаралық шарттарына сәйкес Қазақстан аумағында тұратын халықтардың құқықтарына кепілдік беру;

әрбір азаматтың ешқандай мәжбүрлеусіз өзінің қай ұлтқа жататынын анықтау және оны көрсету құқығы;

Қазақстан Республикасы халықтарының ұлттық мәдениеттері мен тілдерін дамытуға ықпал ету;

қайшылықтар мен жанжалдарды уақытылы және бейбіт түрде шешу; мемлекет қауіпсіздігіне нұқсан келтіруге, әлеуметтік, нәсілдік, ұлттық және діни араздықты, өшпенділікті не қастықты қоздыруға бағытталған қызметке тыйым салу;

Қазақстан Республикасының аумағынан тыс жерлерде оның азаматтарының құқықтары мен мүдделерін қорғау, халықаралық құқық нормаларына сәйкес шет елдерде тұратын отандастарға ана тілін, мәдениеті мен ұлттық дәстүрлерін сақтауда әрі дамытуда, олардың тарихи отанымен байланысын нығайтуда қолдау көрсету болып т а б ы л а д ы .

Қазіргі уақытта Қазақстанда осы проблеманы шешуге бағытталған шаралар кешенін көздейтін бірқатар кесімдер қабылданды, олардың негіз қалаушылары "Қазақстан халқы Ассамблеясының стратегиясы мен Қазақстан халқы Ассамблеясының ережесі туралы" Қазақстан Республикасы Президентінің 2002 жылғы 26 сәуірдегі N 856 Жарлығы , "Тілдерді қолдану мен дамытудың 2001-2010 жылдарға арналған мемлекеттік бағдарламасы" және бірқатар басқалары болып табылады.

Қазақстан халықтарының тілдерін дамыту туралы қамқорлық мемлекеттік саясат дәрежесіне көтеріліп, ұлттық саясаттың құрамдас бөлігі болып табылатынын атап өту қажет. Мемлекет басшысының "Қазақстанның әлемдегі бәсекеге барынша қабілетті елу елдің қатарына кіру стратегиясы. Қазақстан өз дамуындағы жаңа серпіліс жасау қарсаңында" атты Қазақстан халқына Жолдауында қойылған міндеттерге қол жеткізу жөніндегі шарттардың бірі қазақ халқының сан ғасырлық дәстүрін, тілі мен мәдениетін сақтау және дамыту болып табылады, бұл ретте ұлтаралық және мәдениаралық келісім, Қазақстанның біртұтас халқының ілгерілеуі қамтамасыз етіледі. Қазіргі уақытта Қазақстанда тілдердің шынайы әралуандылығы бар, жүзден астамы функционалдық м а қ с а т т а п а й д а л а н ы л у д а .

Қазіргі Қазақстанда діни және этникалық төзімділік дәстүрлі түрде жоғары болып қалып отыр. Республикадағы ұлтаралық қатынастар жеткілікті түрде тұрақты дамуда, ал туындап жатқан мәселелер өркениетті нысанда шешілуде. Қазақстандықтардың мәдениетаралық диалог пен этникалық шоғырланудың жалпы адами құндылықтарына бейімділігі экономиканы реформалауға байыпты әрі шынайы бағдарды жүргізудің, азаматтық қоғам мен құқықтық мемлекет құрудың, әлеуметтік қорғаудың пәрменді тетіктерін құрудың, әлеуметтік проблемаларды демократиялық жолмен шешудің рухани-адамгершілік негізі болып табылады. Өз ұлтының мүддесін күйттеу емес, ұлтаралық қатынастардың адамгершілік, құқықтық негіздерін нығайту бұлардың игіліктерінің тәсілі болып табылатынын неғұрлым жіті түсінушілік үрдісі байқалуда.

Демократиялық қоғам құру процесінде мемлекет пен діни бірлестіктер арасындағы қатынастар түбегейлі түрде өзгерді. Қазақстан Республикасының Конституциясына және 1992 жылы қабылданған "Діни сенім бостандығы және діни бірлестіктер туралы" Қазақстан Республикасының Заңына сәйкес дінге сенушілер өздерінің жалпы адами және азаматтық құқықтары мен міндеттерін шектеуге ұшырамай, дінді еркін ұстануға м ү м к і н д і к а л д ы .

Қазақстанда тәуелсіздіктің 15 жылы ішінде діни институттар саны мен сапасы өсуі е д ә у і р ө с т і .

2006 жылғы 1 қаңтардағы жағдай бойынша 40-тан астам конфессия мен деноминация өкілі болып табылатын діни бірлестіктердің жалпы саны 3420-ны құрады. Діни бірлестіктер жалпы санының 1853-і Ислам, 267-сі Орыс православие шіркеуі, 94-і Римдік-католик шіркеуі, 1101-і Протестанттизм, 78-і дәстүрлі емес әрі жаңа құралымдар (бахайлар, Кришна санасы қоғамы, Соңғы өсиет шіркеуі және басқалары) және басқа да саны аз діни құралымдар - 349.

Діни бірлестіктерде 2565 діни ғибадат құрылыстары бар, олардың 1727-сі - мұсылман мешіттері, 241-і - православие шіркеуі, 74-і - католик костелдері, 10-ы - синагога, және бес жүзден астам протестанттық және басқа да шіркеулер.

Діни бірлестіктер 38 атаулы мерзімді баспасөз басылымдарын шығарады. Ел азаматтарының шет елге ұйымдасқан түрде шығуының ең бұқаралық сипаттағы түрі - қажылық сапарға шығушы қазақстандық зиярат етушілердің саны жыл сайын өсуде.

Қазақстанда 8 жоғары (оның ішінде 2 исламдық, 1 католиктік, 1 лютерандық, 4 протестанттық), 6 арнаулы орта және 3 жалпы білім беретін діни оқу орындары жұмыс істейді, ірі мешіттердің жанында тұрақты әрекет ететін курстар мен шіркеулердің жанында жексенбілік мектептер жұмыс істейді.

Қазіргі уақытта Қазақстанда 22 елден 413 шетелдік миссионер жұмыс істеуде.

Әр түрлі елдерде жасалған террористік акциялардан кейін терроризм мен діни экстремизмге қарсы әрекет ету жөніндегі батыс елдерінің халықаралық тәжірибесін ескере отырып, мемлекеттік органдардың дінді жамылып экстремистік іс-қимылды жүзеге асыратын діни бірлестіктер мен шетелдік миссионерлердің жұмыс істеуін анықтау және олардың жолын кесу жөніндегі жұмысын жетілдіру қажеттілігі арта түсуде.

Қазақстан Республикасындағы діни ахуалды сипаттай келе, оның елдің жалпы әлеуметтік-саяси және экономикалық жағдайымен тікелей байланысты екенін атап өту керек. Экономиканың нығаюымен және қоғамның демократиялануымен діни саладағы бірқатар алаңдатушылық туғызып отырған үрдістердің ыдыратушы әлеуеті әлсірейді.

Қоғамдық тұрақты дамудың және барлық халықтардың әл-ауқатының жақсаруының негізгі факторларының бірі бейбіт конфессияаралық диалог болып табылады. 2002 жылдың күзінде Қазақстанға сапары барысында БҰҰ-ның бас хатшысы Кофи Аннан соңғы жылдар көбінесе "өркениеттер арасындағы жікшілдік" деп аталып келген әр түрлі мемлекеттер арасындағы қатынастардағы шиеленіспен орын алуымен, сонымен бірге бұл қатынастардың шиеленісуінің себептері ретінде діни сипаттағы проблемалар аталатынымен есте қалатынын ескере отырып, сондай-ақ төзімділік пен келісімнің қазақстандық бірегей тәжірибесін назарға алып отырып, біздің елді ұлтаралық тұрақтылық пен рухани төзімділіктің үлгісі деп атады.

2001 жылғы қыркүйекте Рим Папасы Иоанн Павел II-нің Қазақстанға келуі Съезд өткізудің алдындағы елеулі қоғамдық-саяси және діни іс-шаралардың қатарынан ерекше орын алды. Съезд шақыру туралы бастаманы алғаш рет Қазақстан Президенті

Н.Ә.Назарбаев 2003 жылғы ақпанда өзінің Ватикандағы Понтификпен кездесуінде айтқанын атап өткен жөн.

2006 жылы Астана қаласында Әлемдік және дәстүрлі діндер басшыларының II Съезі болып өтті. Оның қорытындылары өркениеттер, конфессиялар, елдер мен халықтар арасындағы келісімді нығайтуға және олардың арасында сындарлы диалог орнатуға ықпал етті.

Діндердің бейбіт қатар өмір сүруі, діни экстремизмнің таралуына жол бермеу қазіргі дүниенің өзекті проблемаларының бірі болып табылады. Діни және этникалық негіздегі жанжалдар, мәдени, әлеуметтік, саяси құқықтарды шектеу, этникалық немесе конфессиялық белгілер бойынша кемсіту ұлттық-мемлекеттік жүйелердің тұрақсыздығының және халықаралық қатынастардағы шиеленістің өсуінің негізгі факторларының біріне айналды.

Қазақстанның Конституциясы олардың ұлтына қарамастан елдің барлық азаматтарының теңдігін орнықтырады. Біздің елде барлық ұлттардың, ұлыстар мен этникалық топтардың мәдениеті жалпыұлттық игілік ретінде қаралады. Барлық азаматтарға өздерінің этномәдени мүдделерін қорғау мен іске асыруда тең құқықтарға конституциялық кепілдік беріледі. Әлеуметтік зерттеулердің нәтижелеріне сәйкес республикада дінге сенушілердің саны өсуде - қазіргі таңда қазақстандықтардың шамамен 62%-ы өздерін дінге сенуші деп санайды.

Орталық Азия мемлекеттері қашанда саяси және экономикалық оқиғалардың ортасында болатын. Қазіргі таңда бұл өңір экономикасы мейлінше әлсіз әрі ішкі саяси процестері оңай емес, өте күрделі жағдайда. Оның үстіне, ол ірі ішкі өзгерістер орын алып отырған жаһандық әлемдік саясаттың дәл ортасында қалды. Осыған байланысты, Қазақстан үшін осы өңірдің бей-берекетшілік пен қатерлердің, террор мен зорлық-зомбылықтың, біздің елдегі этносаралық және конфессияаралық келісімнің шырқын бұзудың көзіне айналуына жол бермеу тұрақтылықтың маңызды факторы болып табылады. Сонымен бірге, бүгінгі Қазақстанда этносаралық шоғырланудың, конфессияаралық келісімнің моделі мен этносаралық және конфессияаралық өзара іс-қимыл процесі арасында белгілі бір алшақтық орын алуда.

Этносаралық және конфессияаралық өзара іс-қимыл саласындағы ахуал өте серпінді дамуда және көбінесе оны болжау мүмкін емес. Бұл әлеуметтік тұрақтылықты, конфессияаралық және этносаралық келісімді қамтамасыз етуге бағытталған кешенді іс-қимыл бағдарламасын жасауды талап етеді.

Діни өркендеу процестеріне байланысты діни ұстамдылық постулаттары мен нормалары, конфессияаралық келісімге, діни ұйымдардың жанжалсыз қатар өмір сүруіне қол жеткізу және оны нығайту жолдары қазіргі заманғы Қазақстан үшін ерекше өзекті сипат алып отыр.

Қазіргі қазақстандық қоғам өмірінің әр түрлі қырына діни фактордың әсері күшейе түскені айқын. Оның серпіні мен ерекшеліктері мынадай негізгі нысандарда көрініс

т а б у д а :

дәстүрлі діни институттардың ықпал ету саласы кеңейді;
халықтың қалың топтарының діни ықпалға бейімділігі арта бастады;
діни бірлестіктердің әлеуметтік функциялары кеңейді;
діни білім беру аясы кеңеюде, оның қаржылық және материалдық базасы нығаюда;

Таяу Шығыс елдерінің, сондай-ақ Еуропа елдерінің діни-қайырымдылық ұйымдарының Қазақстандағы миссионерлік, идеологиялық және насихат қызметі күшейе түсуде.

Қоғамдық пікірде ұлттық және конфессиялық тиесілілікті теңдестіру фактісі Қазақстандағы қазіргі заманғы діни ахуалдың ерекшелігі болып табылады. Конфессияаралық қатынастардың кез келген түрде күрделенуі, әсіресе шиеленісуі ұлтаралық салаға көшетінін болжау әбден қисынды.

Осындай жағдайда жалпыұлттық бірлікті сақтау және нығайту мүдделерінде этникалық мәдениеттерді, олардың арасындағы өзара іс-қимылды саяси, экономикалық, әлеуметтік, идеологиялық жағдайлар кешенін қамтамасыз ету міндеттерінің маңызы ерекше зор. Саяси радикализмнің, конфессиялық және этникалық төзбеушіліктің алдын алу жөнінде, азаматтарға сана мен мінез-құлық төзімділігін сіңіру жөнінде, саяси және құқықтық мәдениетті дамыту, әлеуметтік әріптестікті кеңейту, қазақстандық патриотизмді тәрбиелеу, экстремизмнің әр түрінің алдын алу жөнінде пәрменді шаралар қабылдау қажеттілігі өктем талап етілуде. Сондықтан, этносаралық және конфессияаралық келісімді жетілдіру кідіріссіз әрі пәрменді шаралар қабылдауды талап ететін өзекті мәселе болып табылады.

Көпэтникалық және сан алуан мәдени қоғамдастықты шоғырландырудың, этносаралық және конфессияаралық келісімді нығайтудың модельдері мен тетіктері осы әр түрлі бағыттағы үрдістердің бүкіл күрделілігі мен қайшылықтары, ықтимал қауіптер мен жанжалдар ескеріле отырып жасалуға тиіс.

Жаңа ақпараттық және коммуникациялық технологиялар туындатқан сәйкестендіру дағдарысына жауап ретінде қауымдық сәйкестендіру, яғни белгілі бір этникалық топқа, дінге, аумаққа тиесілілікті баса көрсету үрдісі пайда болды. Сонымен бір мезгілде қазіргі заманғы жағдайларда дәстүрлі этникалық байланыстардың үзілуі, этникалық қауымдасудың оқшалануын еңсеру, адамдардың өзге мәдени құндылықтар мен нормаларды сіңіруі ырықсыз жүрде.

Қазақстан Біріккен Ұлттар Ұйымына мүше мемлекет ретінде 1995 жылғы 16 қарашада ЮНЕСКО-ның Бас конференциясының 5.61-қарарымен бекітілген Төзімділік қағидаттары декларациясын қолдайды. Діни төзімділік пен бейбітшілік қағидаттары біздің мемлекетіміздің саясатында негіз қалаушы қағидаттар болып табылады.

Сонымен бірге, этносаралық және конфессияаралық қатынастар саласындағы қазіргі ахуалды талдау бұл проблемаға кешенді ұстаным қажет екенін көрсетеді. Осы процестің барлық аспектілерін көрсететін Қазақстандағы этносаралық және

конфессияаралық қатынастарды үйлестіру проблемасына арналған арнайы бағдарламалық құжатты қабылдау үшін жағдай жасалды.

Ұлттық саясат Қазақстанда тұратын диаспоралар мүдделерінің бүкіл қырын көрсететін өзінің арсеналында олардың келісімдерінің тиянақты тетігі бар шоғырландырушы факторға айналуға тиіс. Осыған байланысты мемлекеттік билік органдарының, әр түрлі саяси және қоғамдық күштердің конституциялық қағидаттарға, ғылыми негізделген қорытындылар мен ұсынымдарға негізделген ұлттық мәседегі ұстанымдарының ортақ болуы ерекше маңызға ие болады.

Кедейлік, жұмыссыздық, әлеуметтік қорғалмау сияқты осындай әлеуметтік проблемалар ұлтаралық жанжалдарға ұласуы мүмкін әлеуметтік шиеленіске түрткі болады. Этносаралық және конфессияаралық келісімге қол жеткізу проблемаларының жүйелі сипаты арнайы бағдарлама жасау қажеттігін туындатты.

Ескерту. 3-бөлімге өзгерту енгізілді - Қазақстан Республикасы Үкіметінің 2008.03.19 N 267 Қаулысымен.

4. Бағдарламаның мақсаты мен міндеттері

Бағдарламаның мақсаты этносаралық және конфессияаралық келісімнің қазақстандық моделін жетілдіру болып табылады.

Бағдарламаның міндеттері:

республикадағы этносаралық және конфессияаралық келісімнің қазақстандық моделін жетілдіруді қамтамасыз ететін іс-шаралар кешенін әзірлеу және іске асыру; елдегі әлеуметтік-саяси ахуалдың, сондай-ақ этносаралық және конфессияаралық қатынастар саласындағы ахуал мен қоғамдағы әлеуметтік-психологиялық шиеленіс деңгейінің мониторингі, диагностикасы және болжамы; ішкі саяси тұрақтылықты, ұлтаралық және конфессияаралық келісімді нығайту болып табылады.

5. Бағдарламаның негізгі бағыттары мен іске асыру тетігі

Негізгі бағыт этносаралық және конфессияаралық қатынастарды үйлестіру, қоғамдағы әлеуметтік шиеленісті төмендету, әлеуметтік практикаға төзімді мінез-құлық нормалары мен экстремизмнің алдын алу және оған қарсы әрекет ету тетіктерін енгізуді қамтамасыз ету, қоғамдағы әлеуметтік саяси ахуалдың өзгеруіне икемді ден қою үшін жағдай жасау болып табылады.

Бағдарламалық іс-шаралар жүйесі мынадай негізгі бағыттар бойынша жүргізілетін болады.

Ғылыми-әдістемелік бағыт: этносаралық және конфессияаралық қатынастар саласындағы ахуалды зерделеуге және экстремизмнің әр түрлі көріністеріне қарсы әрекет ету, әр түрлі әлеуметтік топтарда төзімді мінез-құлықты қалыптастыру жөнінде

практикалық ұсынымдарды дайындауға бағытталған ғылыми зерттеулер жүргізу; қоғамдағы әлеуметтік шиеленіс деңгейін мониторингтеудің, диагностикалаудың және сараптаудың, тәуекелдерді және әлеуметтік жанжалдардың ықтимал зардаптарын бағалаудың әдістерін әзірлеу; бұқара санасындағы ыдыратушы көңіл-күйді бейтараптандыру тетіктерін әзірлеу; республика аумағында жұмыс істейтін ұлттық-мәдени және діни бірлестіктер туралы ақпараттық дерекқорды толықтыруды қ а м т а м а с ы з е т у .

Ұйымдастырушылық-практикалық бағыт: этносаралық және конфессияаралық қатынастарды үйлестіруге, ішкі саяси тұрақтылықты, азаматтық бейбітшілік пен келісімді нығайтуға, қоғамдағы әлеуметтік шиеленісті төмендетуге, сондай-ақ Қазақстанда тұратын тиісті диаспоралардың тарихи шығу елдерімен достық қатынастарды дамытуға бағытталған фестивальдар, конференциялар, конкурстар, семинарлар, "дөңгелек үстелдер" өткізу.

Ақпараттық-насихаттық бағыт: этникалық және конфессиялық төзімділік қағидаттарын тәрбиелеу мәселелері бойынша жергілікті БАҚ-та мемлекеттік тапсырыс шеңберінде тұрақты айдарлар, теле- және радио хабарлар, сөз орамдарын, роликтер шығаруды қамтамасыз ету; Қазақстандағы ұлтаралық және конфессияаралық келісімді насихаттайтын жарнамалық материалдарды (брэндмауэрлер, биллбордтар, тартпалар, плакаттар) жасауды және қоғамдық орындарда орналастыруды қамтамасыз ету; бұқаралық ақпарат құралдарында төзімді сана қалыптастыру жөніндегі материалдарды ж а р и я л а у .

Этномәдени білім берудің мақсаты көпұлтты әрі көпмәдениетті ортада белсенді және тиімді тіршілік етуге қабілетті, басқа мәдениеттердің ерекшелігін түсінуі дамыған ұлтты, нәсілі, нанымы мен сенімі әр түрлі адамдармен бейбіт әрі тату өмір сүруге қабілетті адамды қалыптастыру болып табылады. Бұл ретте, әр түрлі этномәдени қауымдар өкілдерінің қатар өмір сүруі мен төзімділігі туралы ғана емес, сонымен бірге олардың негіз қалаушы ізгілік құндылықтары мен демократиялық қағидаттар негізінде ынтымақтастық жасауы және шоғырлануы туралы сөз қозғалуға тиіс.

Осы бағдарламаны іске асыру жан-жақты дамыған, үйлесімді, дені сау, көп мәдениетті жеке адамды дамытуға, балалар мен жасөспірімдерде төзімді сана мен мінез-құлықты, азаматтылық пен қазақстандық патриотизм рухын сіңіруге, сондай-ақ этносаралық және конфессияаралық қатынастарды үйлестіру саласындағы жастар бастамаларына жәрдем көрсетуге мүмкіндік береді.

Б а ғ д а р л а м а д а :

қазақстандық жалпы азаматтық сәйкестендіруді қалыптастыруды және елдің көп мәдениетті әлеуетін дамытуды;

қоғамдағы әлеуметтік-психологиялық шиеленісті азайту жөніндегі мемлекеттік саясаттың тиімділігін;

ізгілік пен діни ұстамдылық, ұлтаралық әрі конфессияаралық келісім, экстремизмге

қарсы әрекет ету қағидаттарын басшылыққа алатын төзімділік мінез-құлқының нормалары мен стандарттарын әлеуметтік практикаға енгізуді қамтамасыз ететін іс-шаралар кешенін әзірлеу көзделеді.

Бағдарламаны іске асыру:

жексенбілік мектептер мен ұлттық қайта өрлеу мектептерінің мәртебесін және оларды қаржыландыру тетігін айқындауды;

мемлекет пен азаматтық қоғамның сындарлы диалогы қағидаттарын және ең алдымен, төзімділік қағидаттарын қолдайтын қоғамдық ұйымдарды белсенді түрде т а р т у д ы ;

экстремизм қаупін болдырмау мақсатында таяу және алыс шет елдердің құқық қорғау органдарымен өзара іс-қимыл жасауды;

барлық деңгейдегі бұқаралық ақпарат құралдары арқылы осы саладағы қызметке танымал мәдениет қайраткерлерін, ақындарды, жазушылар мен теологтарды тарта отырып, халықта, әсіресе жастарда діни идеялар мен догмалардың әсерінен иммунитет жасау жөніндегі жұмысты жүйелендіруді көздейді.

Бүкіл іс-шаралар кешенін іске асыру қоғамдағы этносаралық жағдайды үйлестіруге мүмкіндік береді, әлеуметтік шиеленісті төмендету факторы ретінде қызмет етеді, төзімді сана ұстанымдарын қалыптастыруға жәрдемдеседі.

Бағдарлама мүдделі мемлекеттік органдармен бірге елдің ішкі және сыртқы қауіпсіздігін қамтамасыз ету жөнінде жағдай жасауға, экстремизмнің алдын алуға, экстремизм мен террор актілерінің жасалуына ықпал ететін себептерді анықтауға әрі оларды бейтараптандыруға бағытталған іс-шаралар кешенін әзірлеуді және іске асыруды көздейді.

6. Қажетті ресурстар мен оларды қаржыландыру көздері

Бағдарламаны іске асыру мынадай көздерден:
республикалық бюджеттен;
жергілікті бюджеттерден жүзеге асырылатын болады.

Бағдарламаны іске асыруға:

республикалық бюджеттен барлығы - 969,6 млн. теңге, оның ішінде: 2006 жылы - 316 млн. теңге, 2007 жылы - 312,9 млн. теңге, 2008 жылы - 340,7 млн. теңге;

жергілікті бюджеттен барлығы - 1354,8 млн. теңге, оның ішінде: 2006 жылы - 138 млн. теңге, 2007 жылы - 552,6 млн. теңге, 2008 - 664,2 млн. теңге қаржыландыруды т а л а п е т е д і .

2007-2008 жылдарға арналған шығыстар көлемі тиісті қаржы жылына арналған " Республикалық бюджет туралы" Қазақстан Республикасының Заңына сәйкес

анықталатын (нақтыланатын) болады.

Ескерту. 6-бөлімге өзгерту енгізілді - Қазақстан Республикасы Үкіметінің 2008.03.19 N 267 Қаулысымен.

7. Бағдарламаны іске асырудан күтілетін нәтиже

Бағдарламаны іске асыру нәтижесінде:
республикадағы этносаралық және конфессияаралық қатынастарды үйлестіру үшін
жағдай жасалады;

этносаралық және конфессияаралық төзімділіктің, көпэтникалы және көпконфессиялы қазақстандық қоғамдағы азаматтық келісімнің әлеуметтік-психологиялық негізі ретінде этномәдени сан алуандылықты құрметтеудің, қабылдаудың және түсінудің қағидаттары мен нормалары орнықтырылады;
республиканың діни бірлестіктері арасындағы өзара түсіністік пен төзімділік нығайтылады;

азаматтық татулық пен қоғамдық келісімді қамтамасыз ету мақсатында диалогтың рухани құндылықтары мен мәдениетін жылжыту ісінде мемлекеттік органдардың, ұлттық-мәдени, діни және үкіметтік емес бірлестіктердің ынтымақтастығы күшейтіледі;

этномәдени білім жүйесі қалыптастырылады;

Қазақстан халқы Ассамблеясының қоғамдық рөлін нығайту жөнінде жағдай жасалады;

2006 - 2008 жылдары:

қоғамдағы этносаралық және конфессияаралық ахуал мәселелері бойынша 12 қолданбалы ғылыми және 6 республикалық зерттеу ұйымдастырылады және өткізіледі;
республика аумағында жұмыс істейтін ұлттық-мәдени, діни бірлестіктер және шетелдік миссионерлер туралы ақпараттық дерекқор толықтырылады;
жастардың қатысуымен 9 халықаралық конференция, 30 республикалық және өңірлік конференция, 74 семинар, 46 конкурс, 93 дөңгелек үстел, 41 тренинг, 59 республикалық этнос күндері, Қазақстан халықтары достығының 3 фестивалі ұйымдастырылады және өткізіледі;

республикалық және өңірлік ақпарат құралдарында Қазақстандағы ұлтаралық және конфессияаралық келісімді насихаттайтын 3000-нан астам материал жарық көреді.

Ескерту. 7-бөлімге өзгерту енгізілді - Қазақстан Республикасы Үкіметінің 2008.03.19 N 267 Қаулысымен.

8. Бағдарламаны іске асыру жөніндегі іс-шаралар жоспары

Ескерту. 8-бөлімге өзгерту енгізілді - Қазақстан Республикасы Үкіметінің 2008.03.19 N 267 Қаулысымен.

			Жауапты	Орындау	Болжамды	
--	--	--	---------	---------	----------	--

№	Ис-шаралар	Аяқтау нысаны	орындаушылар	мерзімі	шығыстар (млн. теңге)	Қаржылағ кездері
1	2	3	4	5	6	7
Ғылыми-әдістемелік жұмыс						
1.	Қоғамдағы этносаралық және конфессияаралық ахуалға республикалық мониторинг жүргізуді, сондай-ақ Қазақстан халқы Ассамблеясының рөлін арттыру мәселелері жөнінде әлеуметтанушылық зерттеулер жүргізуді ұйымдастыру	Қазақстан Республикасының Үкіметіне ақпарат	МАМ	Жыл сайын, 20 қаңтар, 20 шілде	Барлығы: 12,0 оның ішінде: 2006 ж. - 2,5 2007 ж. - 2,5 2008 ж. - 7,0	Республикалық бюджет
2.	Этносаралық және конфессияаралық қатынастар мәселелері бойынша қолданбалы ғылыми зерттеулер жүргізуді ұйымдастыру	Қазақстан Республикасының Үкіметіне ақпарат	МАМ, Әділетмині	Жыл сайын, 20 қаңтар, 20 шілде	Барлығы: 31,7 оның ішінде: 2006 ж. - 11,7 2007 ж. - 10,0 2008 ж. - 10,0	Республикалық бюджет
3.	Республика аумағында жұмыс істейтін ұлттық-мәдени және діни бірлестіктер мен шетелдік миссионерлер туралы ақпараттық дерекқордың толықтырылуын қамтамасыз ету	Ақпараттық материалдар шығару	МАМ, Әділетмині, ДББК	Жыл сайын, IV тоқсан	Қаржыландыруды талап етпейді	
4.	Этносаралық және конфессияаралық келісімнің қазақстандық моделін жетілдірудің 2006 - 2008 жылдарға арналған бағдарламасын іске асыру жөніндегі ұсыныстарды	Бұйрық	МАМ, Әділетмині, облыстардың, Астана және Алматы қалаларының әкімдіктері, мүдделі	2006 жылғы III тоқсан	Қаржыландыруды талап етпейді	

	тиімді дайындау жөніндегі ведомствоаралық жұмыс тобын құру		мемлекеттік органдар			
Ұйымдастыру-практикалық жұмыс						
5.	Этносаралық және конфессияаралық қатынастарды үйлестіруге, ішкі с а я с и тұрақтылықты нығайтуға, қоғамдағы әлеуметтік шиеленісті төмендетуге, сондай-ақ Қазақстанда тұратын тиісті диаспоралардың тарихи шығу елдерімен достық қатынастарды дамытуға бағытталған фестивальдарды, конференцияларды, конкурстарды, семинарларды, " дөңгелек үстелдерді" өткізуді ұйымдастыру	Министр-дің бұй-рығы, әкімдер-дің ше-шімдері	МАМ, БҒМ, облыстардың, Астана және Алматы қалаларының әкімдері, ҚХА	Жыл сайын, I-III тоқсан	Барлығы: 16,5 оның ішінде: 2006 ж. - 3,7 2007 ж. - 3,7 2008 ж. - 9,1 Барлығы: 115,1 оның ішінде: 2006 ж. - 10,5 2007 ж. - 44,1 2008 ж. - 60,5	Республика бюджет Жергілік бюджет
	Әлеуметтік шиеленісті төмендетуге бағытталған іс-шараларды (Барлығы: 114,6 оның ішінде: 2006 ж. - 9,7 2007 ж. - 49,2 2008 ж. - 55,7 (оның ішінде 2008 жылы: облыстар бойынша - Ақмола - 0,6; Ақтөбе - 5,9; Алматы - 1,8; ШҚО - 2,8;	

6.	әдістемелік материалдар шығару, семинарлар, әлеуметтік сауалнамалар, дөнгелек үстелдер, тренингтер мен дінтану сараптамаларын өткізу) өткізуді ұйымдастыру	МАМ-ға ақпарат	Облыстардың, Астана және Алматы қалаларының әкімдері	Жыл сайын, 10 қаңтар, 10 шілде	Жамбыл - 0,6 ; Қарағанды - 0,7 ; Қостанай - 2,9 ; Қызылорда - 1,0 ; Маңғыстау - 0,9 ; Павлодар - 0,4 ; СҚО - 9,2 ; ОҚО - 3,0 ; БҚО - 20,0 ; Астана қаласы - 0,5 ; Алматы қаласы - 5,4)	Жергілік бюджет
7.	Қазақстанда тұратын этностардың тарихи шығу елдерімен қатынастарды нығайтуға және Қазақстан Республикасындағы этносаралық және конфессияаралық келісімнің қазақстандық моделін шет елдерде насихаттауға бағытталған іс-шараларды өткізуді ұйымдастыру	Бұйрық	СІМ, МАМ, Әділетмині, ҚХА	Жыл сайын	Барлығы: 848,1 оның ішінде: 2006 ж. - 282,7 2007 ж. - 282,7 2008 ж. - 282,7	Республика бюджет
	Көпэтносты елдерде этносаралық және конфессияаралық қатынастарды үйлестірудің шетелдік					

8.	тәжірибесін зерделеу мәселелері бойынша халықаралық конференциялар мен семинарлар, сондай-ақ руханилық пен мәдениет халықаралық форумын өткізуді ұйымдастыру	Бұйрық	М А М , Әділетмині, ҚХА	Ж ы л сайын, II, III, IV тоқсандар	Барлығы: 26,5 оның ішінде: 2006 ж. - 5,0 2007 ж. - 5,0 2008 ж. - 16,2	Республи бюджет
9.	Қазақстан аумағында тұратын диаспоралардың республикалық мәдениет күндерін өткізуді ұйымдастыру, мәдениеттерді дамыту мәселелері бойынша тренингтер, семинарлар, дөңгелек үстелдер, конференциялар ұйымдастыру және өткізу, ұлттық диаспораларға олардың тілін өркендетуде қолдау көрсету, қоғамда олардың мәдени құндылықтарын құрметтеу ахуалын жасау	Бұйрық, әкімдердің шешімдері	М А М , облыстардың, Астана және Алматы қалаларының әкімдері, ҚХА	Ж ы л сайын, II-IV тоқсан	Барлығы: 22,3 оның ішінде: 2006 ж. - 9,3 2007 ж. - 9,0 2008 ж. - 4,0 Барлығы: 138,4 оның ішінде: 2006 ж. - 26,9 2007 ж. - 41,5 2008 ж. - 70,0 (оның ішінде 2008 жылы: облыстар бойынша - Ақмола - 0,7; Ақтөбе - 12,0; Атырау - 2,0; Алматы - 5,0; ШҚО - 8,2; Жамбыл - 4,2; Қарағанды - 2,1; Қостанай - 7,6; Қызылорда - 1,5; Маңғыстау - 0,1; Павлодар - 15,0; СҚО - 3,0; ОҚО - 3,0; Алматы қаласы - 5,6)	Республи бюджет Жергілік бюджет
	Ұлттық-мәдени және діни бірлестіктермен, қоғамдық ұйымдармен бірлесіп, төзімді сана ұстанымдарын		М А М , БҒМ, Әділетмині, облыстардың, Астана және		Барлығы: 1,1 оның ішінде: 2006 ж. - 1,1 Барлығы: 33,8 оның ішінде: 2006 ж. - 10,3 2007 ж. - 10,2 2008 ж. - 13,3 (оның ішінде 2008 жылы: облыстар бойынша -	Республи бюджет

10.	элеуметтік практикаға енгізуге бағдарланған семинарлар, дөңгелек үстелдер, конференциялар, тренингтер, ашық сабақтар өткізуді ұйымдастыру	Бұйрық	Алматы қалаларының әкімдері, қоғамдық бірлестіктер, ҚХА	Жыл сайын, IV тоқсан	Ақмола - 0,1; Ақтөбе - 0,9; Атырау - 0,6; Алматы - 5,8; ШҚО - 0,5; Жамбыл - 0,4; Қостанай - 0,5; Қызылорда - 0,1; Маңғыстау - 1,6; Павлодар - 0,4; ОҚО - 1,1; БҚО - 0,3; Астана қаласы - 0,3; Алматы қаласы - 0,7)	Жергілік бюджет
Ақпараттық-насихаттық жұмыс						
11.	Жергілікті БАҚ-та мемлекеттік тапсырыс шеңберінде этникалық және конфессиялық төзімділік қағидаттарын тәрбиелеу мәселелері жөнінде тұрақты айдарлар, тележәне радиохабарлар, сөз орамдарын, роликтер шығаруды қамтамасыз ету	Бұйрық, әкімдердің шешімдері	Облыстардың, Астана және Алматы қалаларының әкімдері	Жыл сайын, II тоқсан	Барлығы: 472,2 оның ішінде: 2006 ж. - 58,0 2007 ж. - 195,7 2008 ж. - 218,5 (оның ішінде 2008 жылы: Ақмола - 6,9; Ақтөбе - 2,9; Атырау - 1,8; Алматы - 8,5; ШҚО - 4,6; Жамбыл - 0,5; Қарағанды - 1,6; Қостанай - 9,4; Қызылорда - 0,5; Маңғыстау - 0,2; Павлодар - 6,0; СҚО - 173,1; ОҚО - 2,0; Астана қаласы - 0,5)	Жергілік бюджет
12.	Қазақстандағы ұлтаралық және конфессияаралық келісімді насихаттайтын жарнамалық материалдарды (брэндмауэрлер, биллбордтар, тартпалар, плакаттар) жасау және оларды қоғамдық орындарда	Әкімдердің шешімдері	Облыстардың, Астана және	Жыл сайын, II тоқсан	Барлығы: 480,7 оның ішінде: 2006 ж. - 22,6 2007 ж. - 211,9 2008 ж. - 246,2 (оның ішінде 2008 жылы: облыстар бойынша - Ақмола - 0,2; Ақтөбе - 40,0; Атырау - 1,8; Алматы - 8,5; ШҚО - 1,0;	

	орналастыруды қамтамасыз ету. Бұқаралық ақпарат құралдарында төзімді сананы қалыптастыру жөнінде материалдар жариялау		Алматы қалаларының әкімдері		Жамбыл - 0,3; Қарағанды - 12,9; Қостанай - 1,1; Қызылорда - 0,6; Маңғыстау - 1,0; Павлодар - 1,0; СҚО - 173,1; ОҚО - 3,5; БҚО - 0,8; Астана қаласы - 0,4)	Жергілік бюджет	
13	Қазақстандағы этносаралық және конфессияаралық келісімді насихаттау жөніндегі имидждік материалдарды шығаруды қамтамасыз ету	М и - нистр - д і ң б ұ й р ы - ғы		М А М	2008 жылдың І І тоқ - саны	Барлы - ғы : 1 0 , 0 о ны ң і ш і н д е : 2 0 0 8 ж . - 10,0	Респуб - ликалық бюджет
14	"Шаңырақ" республикалық акциясын (этножурналистика саласындағы семинар, шығармашылық конкурс) өткізуді ұйымдастыру	М и - нистр - д і ң б ұ й р ы - ғы		М А М	2008 жылғы шілде, жел - тоқсан	Барлы - ғы : 1 , 7 о ны ң і ш і н д е : 2 0 0 8 ж . - 1,7	Респуб - ликалық бюджет
Жиыны					Барлығы: 969,6 оның ішінде: 2006 ж. - 316 2007 ж. - 312,9 2008 ж. - 340,7 Барлығы: 1354,8 оның ішінде: 2006 ж. - 138,0 2007 ж. - 552,6 2008 ж. - 664,2	Республикалық бюджет Жергі бюджет	

Е с к е р т п е л е р :

Әділетмині - Қазақстан Республикасы Әділет министрлігі;
М А М - Қазақстан Республикасы Мәдениет және ақпарат министрлігі;
БҒМ - Қазақстан Республикасы Білім және ғылым министрлігі;
ҚХА - Қазақстан халқы Ассамблеясы;
ДББК - Қазақстан Республикасы Үкіметі жанындағы Діни бірлестіктермен
б а й л а н ы с ж ө н і н д е г і к е ң е с ;
СІМ - Қазақстан Республикасы Сыртқы істер министрлігі
ШҚО - Шығыс Қазақстан облысы;
СҚО - Солтүстік Қазақстан облысы;

ОҚО - Оңтүстік Қазақстан облысы;

БҚО - Батыс Қазақстан облысы.

2007 - 2008 жылдарға арналған шығыстардың көлемі тиісті қаржы жылына арналған
»"Республикалық бюджет туралы" Қазақстан Республикасының Заңына сәйкес
анықталатын (нақтыланатын) болады.

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМҚ